



志卷第三十八

元史八十八

翰林學士大夫知制誥兼修國史臣宋濂翰林待制承直郕知制誥兼國史編修等奉  
勅修  
發梁百官四五八品品級官前士二員五十品太常禮

太常禮儀院秩正二品掌大禮樂祭享宗廟社稷封  
贈謚號等事中統元年中都立太常寺設寺丞一員  
至元二年翰林兼攝太常寺九年立太常寺設卿一  
員正三品少卿以下五員品秩有差十三年省併衙  
門以侍儀司併入太常寺十四年增博士一員十六  
年又增法物庫子掌公服法服之藏二十年陞正三

元史卷三十八  
品別置侍儀司至大元年改陞院設官十二員正二品四年復爲太常寺正三品延祐元年復改陞院正二品以大司徒領之七年降從二品大曆二年復陞正二品定置院使二員正二品同知二員正三品僉院二員從三品同僉二員正四品院判二員正五品經歷一員從五品都事一員從七品照磨兼管勾承發架閣一員正八品屬官博士二員正七品奉禮郎二員奉禮兼檢討一員並從八品協律郎二員從八品太祝十員從八品禮直管勾一員從九品令史四人通事知印譯史各二人宣使四人典史三人

太廟署秩從六品掌宗廟行禮兼廩犧署事至元三年始置令二員從六品丞一員從七品郊祀署秩從六品大德九年始置掌郊祀行禮兼廩犧署事令二員從六品丞三員從七品社稷署秩從六品大德元年始置令二員從六品丞一員從七品

大樂署秩從六品中統五年始置令二員從六品丞一員從七品掌管禮生樂工四百七十九戶典瑞院秩正二品掌寶璽金銀符牌中統元年始置符寶郎二員至元十六年立符寶局給六品印十七

年陞正五品十八年改典瑞監秩正三品二十年降  
爲正四品省卿二員二十九年復正三品仍置監卿  
二員大德十一年陞典瑞院正二品置院使四員正  
二品同知二員正三品僉院二員從三品同僉二員  
正四品院判二員正五品經歷二員從五品都事二  
員從七品照磨兼管勾承發架閣庫一員正八品令  
史四人譯史四人知印通事各一人宣使四人典吏  
三人

太史院秩正二品掌天文曆數之事至元十五年始  
立院置太史令等官一員至大元年陞從二品設官

十員延祐三年陞正二品設官十五員後定置院使  
五員正二品同知二員正三品僉院二員從三品同  
僉二員正四品院判二員正五品經歷一員從五品  
都事一員從七品管勾一員從九品令史三人譯史  
一人知印二人通事一人宣使二人典吏二人

春官正兼夏官正一員正五品

秋官正兼冬官中官正一員正五品

保章正五員正七品

保章副五員正八品

掌曆二員正八品

腹裏印曆管勾一員從九品

各省司曆十二員正九品

印曆管勾二員從九品

靈臺郎一員正七品

監候六員從八品

副監候六員正九品

星曆生四十四員

挈壺正一員從八品

司辰郎二員正九品

燈漏直長一人

教授一員從八品

學正一員從九品

校書郎二員正八品

太醫院秩正二品掌醫事製奉御藥物領各屬醫職

中統元年置宣差提點太醫院事給銀印二十年改

為尚醫監秩正四品二十二年復為太醫院給銀印

置提點四員院使副使判官各二員大德五年陞正

二品設官十六員十二年增院使二員皇慶元年增

院使二員二年增院使一員至治二年定置院使一

十二員正二品同知二員正三品僉院二員從三品

兩府侯謝補修  
元史卷三十一  
同僉二員正四品院判二員正五品經歷二員從七品都事二員從七品照磨兼承發架閣庫一員正八品令史八人譯史二人知印二人通事二人宣使七人  
廣惠司秩正三品掌修制御用回回藥物及各劑以療諸宿衛士及在京孤寒者至元七年始置提舉二員十七年增置提舉一員元祐六年陞正三品七年仍正五品至治二年復爲正三品置卿四員少卿丞各二員後定置司卿四員少卿二員司丞二員經歷知事照磨各一員

大都上都回回藥物院二秩從五品掌回回藥事至元二十九年始置至治二年撥隸廣惠司定置達魯花赤一員大使一員副使一員

御藥院秩從五品掌受各路鄉貢諸蕃進獻珍貴藥品修造湯煎至元六年始置達魯花赤一員從五品大使二員從五品副使三員正七品直長一員都監二員

御藥局秩從五品掌兩都行篋藥餌至元十年始置大德九年分立行御藥局掌行篋藥物本局但掌上都藥倉之事定置達魯花赤一員從五品局

使二員從五品副使三員正七品

行御藥局秩從五品達魯花赤一員大使二員副

使三員品秩全上掌行篋藥餌大德九年始置

御香局秩從五品提點一員司令一員掌修合御

用諸香至大元年始置

大都惠民局秩從五品掌收官錢經營出息市藥

劑以惠貧民中統二年始置受太醫院劄至元

四年定從六品秩一十一年陞從五品

上都惠民司提點一員司令一員中統四年始置

品秩並同上

醫學提舉司秩從五品至元九年始置十三年罷

十四年復置掌考較諸路醫生課義試驗太醫教

官校勘名醫撰述文字辨驗藥材訓誨太醫子弟

各領各處醫學提舉一員副提舉一員士二員首

官醫提舉司秩從五品掌醫戶差役詞訟至元

二十五年置

大都保定彰德東平四路設提舉同提舉副提

舉各一員

河間大名晉寧大同濟寧廣平冀寧濟南遼陽

興和十路設提舉副提舉各一員

衛輝懷慶大寧設提舉一員

奎章閣學士院秩正二品天曆二年立於興聖殿西  
命儒臣進經史之書考帝王之治大學士二員正三  
品尋陞爲學士院大學士正二品侍書學士從二品  
承制學士正三品供奉學士正四品參書從五品多  
以它官兼領其職至順元年增大學士二員共四員  
侍書學士二員承制學士二員供奉學士二員首領  
官參書二員典籤二員照磨一員內掾四人譯文內  
掾二人知印二人怯里馬赤一人宣使四人典書五  
人屬官授經郎二員

羣下內司秩正三品天曆二年始置掌奎章圖書  
寶玩及凡常御之物監司一員正三品司尉一員  
從三品亞尉二員正四品僉司二員從四品司丞  
二員正五品典簿一員正七品令史二人知印二  
人怯里馬赤一人奏差典吏各二人給使八人司  
膳四人

藝文監秩從三品天曆二年置專以國語敷譯儒書  
及儒書之合校讎者俾兼治之大監檢校書籍事二  
員從三品少監同檢校書籍二員從四品監丞參檢  
校書籍事二員從五品典簿一員照磨一員令史四



人譯史一人怯里馬赤一人奏差二人典史三人

員監書博士秩正五品天曆二年始置品定書畫擇

朝臣之博識者爲之博士二員正五品書史一人

藝林庫秩從六品提點一員從六品大使一員副

使一員正七品庫子二人本把二人掌藏貯書籍

天曆二年始置人奏差典史各二人命對人八人

廣成局秩七品掌傳刻經籍及印造之事天曆二

年始置大使一員從七品副使一員正八品直長

二人正九品司吏二人

侍正府秩正二品至順二年置侍正一十四員正二

品同知二員正三品僉府二員從三品侍判二員正

四品經歷一員從六品都事一員從七品照磨一員

從八品掌內廷近侍之事領速古兒赤四百人奉御

二十四員拱衛直都指揮使司爲其屬掾史八人譯

史四人通事知印各二人宣使八人典史五人

奉御二十四員秩五品尚冠奉御二員從五品尚

冠副奉御二員從六品尚衣奉御二員從五品尚

衣副奉御二員從六品尚鞞奉御二員從五品尚

鞞副奉御二員從六品尚沐奉御二員從五品尚

沐副奉御二員從六品尚飾兼尚輦奉御二員正

元史志卷三十八  
六品尚飾兼尚輦副奉御二員正七品奉御掌簿  
四員從七品天曆初置以四怯薛之速古兒赤爲  
之

給事中秩正四品至元六年始置起居注左右補闕  
掌隨朝省臺院諸司凡奏聞之事悉紀錄之如古左  
右史十五年改陞給事中兼修起居注左右補闕改  
爲左右侍儀奉御兼修起居注皇慶元年陞正三品  
延祐七年仍四品後定置給事中兼修起居注二員  
右侍儀奉御同修起居注一員左侍儀奉御同修起  
居注一員令史一人譯史四人通事兼知印一人

將作院秩正二品掌成造金玉寶貝冠  
器皿織造刺繡段疋紗羅異樣百色造作至元三十  
年始置院使一員經歷都事各一員三十二年增院  
使二員元貞元年又增二員延祐七年省院使二員  
後定置院使七員正二品同知二員正三品同僉二  
員正四品院判二員正五品經歷一員從五品都事  
一員從七品照磨管勾一員正八品令史六人譯史  
知印各二人宣使四人

諸路金玉人匠總管府秩正三品掌造寶貝金玉  
冠帽繫腰束帶金銀器皿并總諸司局事中統二

年初立金玉局秩正五品至元三年改總管府置  
 總管一員經歷提控案牘各一員十二年又置同  
 知副總管各一員二十五年置達魯花赤一員大  
 德四年又置副達魯花赤副總管各一員後定置  
 達魯花赤二員正三品總管二員正三品副達魯  
 花赤二員正四品同知二員從四品副總管二員  
 正五品經歷一員從七品知事一員從八品照磨  
 管勾各一員今史五人譯史一人奏差二人  
 器四玉局提舉司秩從五品提舉一員正七品同提  
 舉一員從七品副提舉一員正八品中統二年

以和林人匠置局造作始設直長至元二年立  
 玉將局用正七品印十五年改提舉司

金銀器盒提舉司秩從五品提舉一員同提舉  
 一員副提舉一員品秩同上吏目一員至元十  
 五年始置金銀局秩從七品二十四年改爲提  
 舉司秩正六品大德間陞從五品

瑪瑙提舉司秩從五品提舉一員同提舉一員  
 吏目一員至元九年置大都等處瑪瑙局秩從  
 七品管領瑪瑙匠戶五百有奇置提舉三員受  
 金玉府劄十五年改立提舉司領大都弘州兩

處造作陞從五品三十年減副提舉一員定置

如上前員無陞到員正百員尚置副舉三員

陽山瑪瑙提舉司秩從五品至元十五年置提

舉一員同提舉一員副提舉一員品秩同前

金絲子局秩從五品大使一員從五品副使一

員正七品直長一員中統二年設二局二十四

年併為一員舉一員品秩同土吏員一員

鞞帶斜皮局秩從八品至元十五年置大使副

使各一員五品中統十五年置副舉一員

罐玉局秩從八品至元十五年置大使二員

浮梁磁局秩正九品至正十五年立掌燒造磁

器并漆造馬尾椶藤箬帽等事大使副使各一

員中統十五年置副舉一員

畫局秩從八品掌描造諸色樣製至元十五年

置大使一員中統十五年置副舉一員

管領珠子民匠官正七品掌採撈蛤珠於楊村

直沽等處中統二年立管領官子孫世襲

粧釘局從八品至元十五年置大使一員

大小雕木局秩從八品至元十五年置大使一

員中統十五年置副舉一員

天祐二年刊

元史志卷三十八

元史志卷三十八

宣德隆興等處瑪瑙人匠提舉司秩正六品至  
元十五年置提舉一員從七品副提舉一員從  
八品

溫犀玳瑁局秩從八品至元十五年置大使一  
員

上都金銀器盒局秩從六品至元十六年置大  
使一員副使一員直長一員

漆紗冠冕局至元十五年置大使副使各一員  
大同路採砂所至元十六年置管領大同路揆  
剉民一百六戶歲磨採玉夏水砂二百石起運

大都以給玉工磨礮之用大使一員  
管匠都提領所秩從七品至元十三年置掌金

玉府諸人匠詞訟都提領一員  
監造諸般寶貝官秩正五品至元二十一年置

達魯花赤二員  
收支諸物庫秩從八品至元十五年置大使副

使各一員  
行諸路金玉人匠總管府秩從三品至大間始

置于杭州路達魯花赤總管各一員並從三品  
同知一員正五品副總管一員從五品經歷一

員從七品知事一員從八品提控案牘一員  
異樣局總管府秩正三品中統二年立提點所至  
元六年改爲總府總總管一員十四年置同知副  
總管各一員二十一年增總管一員二十九年置  
達魯花赤一員三十年減同知副總管各一員後  
定置達魯花赤一員總管一員並正三品同知一  
員從四品副總管一員從五品經歷二員從七品  
知事一員從八品

異樣紋綉提舉司秩從五品中統二年立局至  
元十四年改提舉司提舉一員從五品同提舉

一員正七品副提舉一員正八品

綾錦織染提舉司秩從五品至元二十四年改  
局置提舉司提舉一員同提舉一員副提舉一  
員品秩同上

紗羅提舉司秩從五品至元十二年改局置提  
舉司提舉同提舉副提舉各一員品秩同上

沙金顏料總庫秩從九品中統二年置大使副  
使各一員從九品

大都等路民匠總管府秩正三品府官總管一員  
從三品同知一員正五品副總管一員從五品經

歷二員從七品知事一員從八品提控案牘一員  
至元七年初立府秩從三品十四年改陞正三品  
備章總院秩從六品大使副使各一員至元十  
三年省併楊蘭等八局爲總局  
尚衣局秩從五品至元二年置達魯花赤一員  
從五品提舉一員從五品同提舉一員正七品  
副提舉一員正八品都目一人  
御衣局秩從五品至元二年置達魯花赤提舉  
各一員從五品同提舉一員正七品副提舉一  
員正八品都目一人

御衣史道安局秩從六品至元二年置以史道  
安掌其職因以名之大使副使各一員

高麗提舉司秩從五品至元二十二年置提舉  
一員

織佛像提舉司秩從五品延祐四年改提領所  
爲提舉司提舉副提舉各一員

通政院秩從二品國初置驛以給使傳設脫脫禾孫  
以辨奸僞至元七年初立諸站都統領使司以總之  
設官六員十三年改通院十四年分置大都上政都  
兩院二十九年又置江南分院大德七年罷至大元

年陞正二品四年罷以其事歸兵部是年兩都仍置  
止管達達站赤延祐七年復從二品仍兼領漢人站  
赤大都院使四員從二品同知二員正三品副使二  
員從三品僉院一員正四品同僉一員從四品院判  
一員正五品經歷一員從五品都事一員從七品照  
磨兼管勾承發架閣一員正八品令史十三人通事  
一人知印二人宣使十人上都院使同知副使僉院  
判官各一員經歷都事各一員品秩並同大都令史  
四人譯史三人通事一人知印一人宣使十人

廩給司秩從七品掌諸王諸蕃各省四方邊遠使

客飲食供張等事至元十九年置提領司令司丞  
各一員

中政院秩正二品院使七員正二品同知二員正三  
品僉院二員從三品同僉二員正四品院判二員正  
五品掌中宮財賦營造供給并番衛之士湯沐之邑  
元貞二年始置中御府秩正三品大德四年陞中正  
院秩正二品至大三年陞從一品院使七員同知僉  
院同僉院判各二員四年省併入典內院皇慶二年  
復爲中政院設官如舊其慕職則司議二員從五品  
長史二員正六品照磨兼管勾承發架閣一員正八



品吏屬蒙古必闡赤四處掾史十二人回回掾史二人怯里馬赤二人知印二人宣使十人  
中瑞司秩正三品掌奉贖冊卿五員正三品丞二員正四品典簿二員從七品寫懿旨必闡赤四人譯史一人令史四人知印一人通事一人奏差二人典吏二人

內正司秩正三品掌百工營繕之役地產孳畜之儲以供膳服備賜于卿四員正三品少卿二員正四品丞二員從五品典簿二員從七品照磨兼管勾一員正九品吏屬各有差領署二提舉司一及其司屬

凡十有六歲賦之額工作之程終歲則會其數以達焉

尚工署秩從五品令一員從五品丞二員從六品書史一人書吏四人掌管繕雜作之役凡百工名數興造程式與其材物皆經度之而責其成功皇慶元年始置隸內正司

玉列赤局秩從七品提領一員大使一員副使一員直長二員掌裁製縫綫之事延祐六年始置隸尚工署

贊儀署秩正五品提領一員大使一員副使一

貞直長二貞掌車輿器備雜造之事皇慶二年始置隸內正司

管領六盤山等處怯憐口民匠都提舉司秩正四品達魯花赤一貞都提舉一貞同提舉二貞副提舉二貞知事一貞提控案牘一貞吏四人奏差二人至大四年始置國初未有官署賦無所稽後遣使覈實始著爲籍設司以領之

奉元等路平涼等處開城等處甘肅寧夏等路察罕腦兒等處長官司凡五處秩正五品各設達魯花赤一貞長官一貞副長官一貞提控案

牘一員都目一員吏十人延祐二年以民匠提舉司所領地里闊遠人戶散處於政不便乃酌遠近衆寡立長官司提領所以分理之

提領所凡十並正七品奉元等路鳳翔等處平涼寧環等處開城等處察罕腦兒等處甘肅寧夏等路肅沙等路永昌寧夏等路長城等路各設提領一員同提領一員副提領一員典

三十史一人分掌怯憐口地方隸各長官司翊正司秩正三品令五員正三品丞四員正四品典簿二員從七品照磨一員從八品譯史二人令

史六人知印二人通事奏差典吏各二人掌怯憐口民匠五千餘戶歲辦錢糧造作以供公上至元三十一年始置御位下管領隨路民匠打捕鷹房納綿等戶總管府正三品復隸正宮位下延祐六年改翊正司歲終會其出納以達于院而糾其弊領提舉司二提領所一

管領上都等處諸色人匠提舉司秩從五品達魯花赤一員提舉一員並從五品同提舉一員從六品副提舉一員從七品直長一員都目一員吏目一員司吏四人部役二人元貞元年始

置管戶二千五百有奇翊正司

管領隨路打捕鷹房納綿等戶提舉司秩從五品達魯花赤一員提舉一員同提舉一員副提舉一員品秩同上直長一員都目一員吏目一員司吏四人部役二人元貞元年始置隸翊正

司

管領歸德亳州等處管民提領所秩從七品提領一員同提領一員副提領一員典史一員司吏一人國初平江南收附歸德楚通等三百五十六戶令脫忽伯管領大德二年始置提領所

隸翊正

典飲局秩正七品大使二員副使二員典史二員  
攢典二人掌醞造酒醴以供內府及祭祀宴享賓  
客賜頒之給初置嘉醞局秩六品隸家令至大二  
年改典飲兩都分置皇慶元年撥隸中宮

管領大都等路打捕民匠等戶總管府秩正三品  
達魯花赤一員總管一員並正三品同知一員正  
四品副總管一員正五品經歷一員從七品知事  
一員從八品提控案牘照磨一員譯史一人令史  
奏差各四人掌錢糧造作之事國初平定河南諸

郡收聚人戶一萬五千有奇置官管領至元八年  
屬有司二十年改隸中尚監二十六年始置總管  
府領提舉司十有一提領所二十有五

在京提舉司二秩從五品達魯花赤一員提舉  
一員從五品同提舉一員從六品副提舉一員  
從七品都目一員分管各處人戶至元十六年  
給從七品印大德四年省併爲十一處改提舉  
司陞從五品

涿州保定真定冀寧河南大名東平東昌濟南  
等路提舉司凡九處各設達魯花赤一員提舉

一員同提舉一員副提舉一員都目一員  
提領所凡二十五處大都等路東安州濟寧曹  
州忻州完州河間濟南濟陽大同元氏冀寧晉  
寧歸德南陽懷孟汝寧衛輝曹州涿州真定中  
山平山大名高唐等每處各設提領一員同提  
領一員副提領一員典史一員  
管領諸路打捕鷹房民匠等戶總管府秩正三品  
達魯花赤一員總管一員正三品同知一員正五  
品副總管二員從五品經歷一員從七品知事一  
員從八品提控案牘一員照磨一員譯史一人令

史四人奏差二人掌錢糧造作之事大德三年始  
置元貞元年撥隸中言位下領提舉司四提領所  
十有一

管民提舉司大都等路冀寧等路南陽唐州等  
處河南路府等處凡四司秩從五品每司設達  
魯花赤一員提舉一員同提舉一員副提舉一  
員都目一員吏二人

提領所凡十有一大都保定河間真定南陽鄧  
州濟南嵩汝汴梁裕州汝濟陳州唐州泌陽襄  
陽湖陽晉寧冀寧等處各設所秩正七品每所

提領二員同提領一員副提領一員典史一員  
司吏二人至元十六年置至大元年改提領司  
江浙等處財賦都總管府秩正三品達魯花赤一  
員都總管一員並正三品同知一員正五品副總  
管一員從五品經歷一員從七品知事一員從八  
品照磨一員提控案牘一員從九品譯史一人令  
史一十五人奏差一十五人典史二人掌江南沒  
入貲產課其所賦以供內儲至大元年置領提舉  
司三庫局各一

平江松江建康等處提舉司凡三處秩並正五

品每司各設達魯花赤一員提舉一員同提  
一員副提舉一員都目一員吏目一員司吏六  
人

豐盈庫提領一員大使一員副使一員典史一  
人掌收本府錢帛

織染局局使一員典史一人掌織染織造段匹

正三品

正三品

正三品

正三品

正三品

令史八人領司屬凡十處

管領六名等處種田諸色戶總管府秩正五品總

管一合六副總管一員都目一員中統二年置至元

三十二年置府大名

管領十投下大都等處諸色戶計都達魯花赤秩

正五品即達魯花赤一員提控案牘一員都目一員

中統二年置至元十五年置司大都

管領大都河間等路打捕鷹房總管府秩正五品

總管一員副總管一員都目一員司吏二人中統

三年置三年給

管領東平等路管民官秩正五品總管一員相副

官一員都目一員吏一人中統二年置至元二十

二年給印

管領大名等路宣撫司燕京路管民千戶所秩從

七品提領一員副提領一員中統二年置

管領曹州等處本投下民戶管領東明等處本投

下戶計管領蒲城等處本投下諸色戶計管領汴

梁等路本投下種田打捕軀戶四提領所秩正七

品提領各二員同提領副提領各一員典吏各一

人司吏各一人中統二年置至元十四年頒印

海西遼東哈思罕等處鷹房諸色人匠怯怱口萬戶府秩正三品達魯花赤一員萬戶一員副萬戶一員經歷二員知事一員提控案牘兼照磨一員譯史一人掌錢糧造作之事管領哈思罕等處肇州朶因温都兒諸色人匠四千戶仍領鎮撫所千戶所

鎮撫司鎮撫一員吏一人延祐四年始置

哈思罕等處打捕鷹房怯怱口千戶所秩從五品達魯花赤一員千戶一員副千戶一員吏目一員私吏四人彈壓一人部役二人至大三年

置提舉司延祐六年改千戶所

諸色人匠怯怱口千戶所秩從五品達魯花赤一員千戶一員副千戶一員都目一員司吏四人部役二人初為提舉司後改千戶所

肇州等處女直千戶所達魯花赤一員千戶一員副千戶一員吏目一員司吏四人延祐三年

置

朶因温都兒乃良哈千戶所延祐三年置  
 朶亦兒等處怯怱口千戶所至治元年置  
 開元等處怯怱口千戶所至治元年置



石州等處怯怵口千戶所延祐七年置  
瀋陽等處怯怵口千戶所至治元年置  
遼陽等處怯怵口千戶所至治二年置  
蓋州等處怯怵口千戶所延祐五年置  
幹盤等處怯怵口千戶所至治元年置  
遼陽等處金銀鉄冶都提舉司秩正四品都提舉  
一員同提舉一員副提舉一員提控案牘一員譯  
史一人吏六人奏差二人掌辦金銀耐鐵等課分  
納中書省及中政院七年以其賦盡歸中宮  
管領本位下怯怵口隨路諸色民匠打捕鷹房都

總管府秩正三品達魯花赤一員都總管一員並  
正三品同知一員正五品副總管一員從五品掌  
怯怵口二萬九千戶田萬五千餘頃出賦以備供  
奉營繕之事中統二年置府大德十年隸詹事院  
至大三年隸徽政院延祐三年改善政司至治二  
年徽政院及其屬盡廢天曆三年復立府仍正三  
品設官如上其首領官則經歷一員從七品知事  
一員從八品照磨一員從九品吏屬令史一十二  
人譯史四人通事知印各二人奏差一十人典吏  
六人

管領諸路打捕鷹房民匠等戶總管府秩正三品  
 達魯花赤一員總管一員同知一員副總管一員  
 品秩如上經歷一員知事一員提控案牘一員照  
 磨一員令史四人譯史一人奏差二人大德三年  
 置其屬附見

大都等路管民提舉司達魯花赤一員同提舉  
 一員副提舉一員都目一員  
 大都保定提領所提領二員同提領一員副提  
 領一員典史一員  
 河間真定提領所提領二員同提領一員副提

領一員典史一員  
 唐州提舉司達魯花赤一員提舉一員同提舉  
 一員副提舉一員都目一員  
 南陽鄧州提領所提領二員同提領一員副提  
 領一員典史一員  
 唐州泌陽提領所提領二員同提領一員副提  
 領一員典史一員  
 襄陽湖陽提領所提領二員同提領一員副提  
 領一員典史一員  
 汝寧陳州提領所提領二員同提領一員副提

領一員典史一員  
河南提舉司達魯花赤一員提舉一員同提舉  
一員都目一員  
汴梁裕州提領所提領二員同提領一員副提  
領一員典史一員  
河南嵩汝提領所提領二員同提領一員副提  
領一員典史一員  
南陽唐州提領所提領二員同提領一員副提  
領一員典史一員  
興寧提舉司達魯花赤一員提舉一員都目一

員二十六

興寧提領所提領二員同提領一員副提領一  
員典史一員  
晉寧提領所提領二員同提領一員副提領一  
員典史一員

寶昌庫提領一員大使一員掌受金銀砵鐵之課  
以待儲運  
金銀場提領所凡七梁家寨銀場明世銀場密務  
銀場寶山銀場燒炭峪銀場胡寶峪金場七寶山  
砵炭場俱從七品每所各設提領一員同提領一

員副提領一員  
鐵冶管勾所凡二處各設管勾一員同管勾一員  
副管勾一員  
奉宸庫秩五品提點四員副使二員提控案牘一員  
庫子六人掌中藏寶貨錢帛給納之事大德元年置  
廣禧庫達魯花赤一員提舉一員大使一員副使二員  
提控案牘一員庫子四人大德八年置掌收支御膳野物職視生料庫

志卷第三十八

志卷第二十九

元史八十九

翰林學士中大夫知制誥兼修國史臣朱灑翰林待制承直郎同知制誥兼國史院編修官程等奉勅修

百官五

儲政院秩正二品至元十九年立詹事院備左右輔翼皇太子之任置左右詹事各一員副詹事詹事丞院叛各二員吏屬六十有二人別置宮臣賓客二員左右諭德左右贊善各一員校書郎二員中庶子中允各一員三十一年太子裕宗既薨乃以院之錢糧選法工役悉歸太后位下改為徽政院以掌之大德

九年復立詹事院尋罷十一年更置詹事院秩從一品設官十二員至大四年罷延祐四年復立七年罷泰定元年罷徽政院改立詹事如前天曆元年改詹事院爲儲慶使司二年罷復立詹事院未幾改儲政院院使六員正二品同知二員正三品僉院二員從三品同僉二員正四品院判二員正五品司儀二員從五品長史二員正六品照磨二員管勾二員俱正八品掾史一十二人譯史四人回回掾史二人通事知印各二人宣使十人典吏六人其屬附見

家令司秩三品家令家丞各二員典簿二員照磨

一員掌太子飲膳供帳倉庫至元二十年置三十一年改內宰司隸徽政大德十一年復立秩陞從二至大四年罷延祐四年復立秩正三品七年罷泰定元年復以內宰司爲家令司天曆元年罷未幾復立二年又罷

典幄署掌太子供帳令丞各二員書史書吏二人人

府正司秩從三品掌鞍轡弓矢等 至元二十年

置府正府丞各二員典簿二員照磨一員三十一年改官正司大德十一年復爲府正司至大四年

元史志卷三十九 二  
罷延祐四年復立七年罷泰定元年復立天曆二年增府正府丞各二員尋罷

資武庫掌軍器提點一員大使一員

典用庫掌鞍轡提點一員大使一員

延慶司秩正三品掌修建佛事使二員同知一員

副使典簿各二員照磨一員至元二十一年始立

隸詹事院三十一年隸徽政院大德十一年立詹

事院別立延慶司秩仍正三品置卿丞等員泰定

元年改隸詹事院天曆元年罷二年復立增丞一

員員掌太子詹事共別詹事至元二十一年置二十

監卿四員太監二員少監二員丞二員經歷

二員各一員照磨一員掌供須文成藏珍三庫內

典供給段匹寶貨等物至大元年立天曆二年設

掌故以三庫隸內宰司

監秩正三品領東宮太醫修合供進藥餌至

元十九年置典醫署秩從五品三十一年改掌醫

署尋罷大德十一年復立典醫監至大四年罷泰

定四年復立署天曆二年改典醫監秩正三品置

達魯花赤二員卿三員太監二員少監二員丞二

員經歷知事各一員吏屬凡十八人其屬司一局

二 廣濟提舉司達魯花赤一員提舉同提舉副提  
舉各一員掌修合藥餌以施貧民

行典藥局達魯花赤一員大使副使各二員掌  
供奉東宮藥餌

典藥局達魯花赤一員大使副使直長各二員  
掌修製東宮藥餌

典牧監秩正三品卿一員太監二員少監二員丞  
二員經歷知事各一員照磨一吏屬凡十六人掌

孳畜之事天曆二年始置

儲膳司秩正三品卿四員少卿二員丞二員主事  
二員照磨一員令史六人譯史通事知印各二人  
奏差六人典吏四人掌皇太子飲膳之事天曆二  
年立

典寶監秩正三品卿太監少監丞各二員經歷知  
事各一員吏屬八人至元十九年立典寶署從五  
品二十年陞正五品三十一年罷大德十一年立  
監秩正三品至大四年罷延祐四年復立七年罷  
泰定元年復置天曆元年罷二年復置

以上俱係詹事院司屬

掌謁司秩正三品司卿四員少卿四員丞二員典簿二員典書九人奏差二人知印譯史通事各一人至元三十一年改典寶署爲掌謁司秩從五品設官如之元貞元年陞四品設官四員大德十一年陞正三品至治三年罷十八年立典寶署用監秩正三品卿三員太監少監丞各二員經手知事照磨各一員掌供須文成藏珍三庫出納事至大元年設至治三年罷入部之事天曆二二員司秩正三品令丞各四員典簿二員照磨一員掌供帳及扈從營造之人大德十一年置復併

入羣牧監

章慶使司秩正三品司使四員同知副使司丞各二員經歷都事各二員照磨管勾各一員至大三年立至治三年罷入掌鈔合用

奉徽庫秩從五品提點大使各二員副使四員庫子六人掌內府供給至治三年罷併入文成等庫壽和署秩正五品署令四員署丞六員舊設儀鳳司皇慶元年改隸徽政院遂爲章慶使司之屬至

治二年罷

上都掌設署秩正五品署令五員署丞二員至大



四年立至治三年罷

掌醫監秩正五品領監官一員達魯花赤一員卿

四員太卿五員太監五員少監六員丞二員至元

三十一年改典醫爲掌醫署秩五品至大元年陞

監設已上官員至治三年罷

修合司藥正司秩從五品達魯花赤一員副使直

長各二員掌藥六人掌修合御用藥餌至治三年

罷

行篋司藥局秩從五品達魯花赤一員使副使各

二員掌供奉御用藥餌至治三年罷

廣濟提舉司秩從五品達魯花赤提舉同提舉副

提舉各一員掌修合藥餌以濟貧民

羣牧監秩正二品掌中宮位下孳畜卿三員太卿

少卿監丞各二員至大四年立至治三年罷

掌儀署秩正五品令丞各二員掌戶口房舍等至

元二十年立隸詹事院三十一年改隸徽政院泰

定元年改典設署

上都掌儀署秩五品令丞各二員掌戶口房舍等

大德十二年立至治三年罷

江西財賦提舉司秩從五品達魯花赤一員提舉

同提舉副提舉各一員掌事產戶口錢糧造作舉  
事至元二十七年立至治二年罷

織染局局使副使局副各一員相副官一員合  
桑落娥眉洲管民提領所提領副提領各一員

封郭等洲管民提領所提領副提領各一員

員龍興打捕提領所提領副提領各一員

龍興打捕提領所提領副提領各一員

鄂州等處民戶水陸事產提舉司達魯花赤一員

是舉同提舉副提舉各一員掌太子位下江南園

園地土莊宅人戶至元二十一年立隸營事後改

隸徽政至治二年罷

瑞州上高縣戶計長官司秩從五品達魯花赤一

員長官副長官各一員領本處戶八千後隸徽政

院至治二年罷

以上俱係徽政院司屬

左都威衛使司秩正三品使三員副使二員僉事二

員經歷知事照磨各一員至元十六年以侍衛親軍

一萬戶撥屬東宮立侍衛都指揮使司三十一年改

隆徧宮左都威衛使司隸中宮至大三年選造作軍

士八百人立千戶所二百戶翼八以領之而分局造

作延祐二年置教授二至治三年罷軍匠千戶所

鎮撫所鎮撫二員都目一員

行軍千戶所千戶二員副千戶二員知事彈壓各

一員百戶二十員

屯田左右千戶二所千戶二員都目二員彈壓一

員百戶每所二十員

弩軍千戶所千戶二員都目一員彈壓一員

資食倉大使一員副使一員

右都威衛使司秩正二品衛使三員副使二員僉事

二員經歷知事照磨各一員中統三年以世祖五投

下樞馬赤立總管府秩四品設總管一員二十一年

撥屬東宮二十二年改蒙古侍衛親軍都指揮使司

秩正三品三十一年改隆福宮右都威衛使司秩仍

舊延祐二年置儒學教授一員四年增蒙古字教授

一員其屬附見

鎮撫司鎮撫一員都目一員

行軍千戶凡五所秩正四品千戶五員副千戶五

員知事五員百戶五十員彈壓五員

屯田千戶所秩正五品千戶二員彈壓一員百戶

七員都目一人

元史卷三十九

廣貯書統九品大使一員副使一員攬典一人  
衛候直都指揮使司秩正四品至元二十年以控鶴  
一百三十五人隸府正司三十年隸家令司三十一  
年增控鶴六十五人立衛候司以領之兼掌東宮儀  
從金銀器物置衛候一員副衛候二員及儀從庫百  
戶大德十一年復增懷孟從行控鶴二百人陞都指  
揮使司秩正四品延祐元年陞正三品七年降正四  
品至治三年罷四年以控鶴六百三十人歸中宮位  
下泰定四年復立司秩仍正四品達魯花赤二員佩  
三珠虎符都指揮使二員佩三珠虎符副指揮使二

員佩雙珠虎符知事一員提控案牘一員令史四人  
譯史通事各一人奏差二人其屬附見

百戶所凡六秩從七品每所置百戶二員  
儀從庫秩從七品大使二員副使一員

內宰司秩三品至元三十一年既立徽政院改家令  
為內宰司泰定元年復為家令司天曆元年罷未幾  
復立二年罷復改內宰司內宰六員司丞四員典簿  
二員照磨一員令史十有二人譯史知印通事各二  
人奏差六人典吏四人其屬附見泰定元年  
典膳署秩五品令二員丞二員書吏一員倉赤三

十五人掌內府飲膳之事至元十九年始立隸家  
令司三十一年改掌膳隸內宰泰定元年復改為

典膳一員令史十人內宰二人監史四員監事各二

洪濟鎮提領三員掌辦納鴈隻隸典膳署員典

柴炭局秩從七品提領一員大使一員副使一員

至元二十年以東宮位下民一百戶燒炭二月軍

一百人採薪二月供內府歲用立局以主其出納

設官三員俱受詹事院劄大德十一年隸徽政院

藏珍文成供須三庫秩俱從五品各設提點二員

大使二員副使二員分掌金銀珠玉寶貨段匹絲

綿皮羶鞍轡等物國初詹事出納之事未有官署

印信至元二十七年分為三庫各設官六員及庫

子有差

提舉備用庫秩從五品達魯花赤一員提舉一員

大使一員提控案牘一員掌出納田賦財賦差發

課程一切錢糧規運等事至元二十年置二十二

年設達魯花赤及首領官置於燕京山天宮寺

嘉醞局秩五品至元十七年立掌飲局大德十一

年改掌飲司秩陞正四品延祐六年降掌飲司為

局至治三年罷泰定四年復立天曆二年改嘉醞

局提點二員大使二員副使二員書史一員書吏  
四人

西山煤窰場提領一員大使一員副使二員俱受

徽政院劄至元二十四年置領馬安山大峪寺石

灰煤窰辦課奉皇太后位下

保定等路打捕提領所秩從七品提領四員典史

一員至元十一年收集人戶為打捕戶計及招到

管絃銀差發稅糧等戶立提領所

廣平彰德課麥提領所秩從七品至元三十年以

二路渡江時駐蹕之地召民種佃遂立所置官統

之官一員同史四人

廣惠庫大使一員副使一員至元三十年以鈔本

五千錠立庫放典收息納于備用庫

豐裕倉秩從七品掌收貯中官位下糯米至治二

年設提領等官三年罷天曆二年立儲政院復給

印置監支納一員倉使一員攢典二人

備物庫秩從七品掌東宮造作顏料及雜器等物

至元二十五年置隸詹事院大德元年給印十一

年置官四員至治三年罷泰定三年復立大使二

員副使二員庫子二人攢典二人

管領怯怜口諸色民匠都總管府秩正三品達魯花赤一員總管一員並正三品同知一員正四品副總管二員正五品經歷一員從七品知事一員從八品提控案牘照磨管勾各一員令史十人知印二人通事一人譯史二人奏差六人典吏四人領怯怜口人匠造作等事至大三年立總管府至治三年罷天曆一年復立隸儲政院其屬附見

管領大都怯怜口諸色人匠提舉司秩正五品達魯花赤一員提舉一員同提舉副提舉各一員首領官一員司吏四人部役二人

管領上都怯憐口諸色人匠提舉司秩正五品達魯花赤一員提舉一員同提舉副提舉各一員首領官一員司吏四人部役二人

典製局秩從七品大使副使各一員直長二員典設署秩從五品令丞各四員書史一員書吏四人掌內府木刺赤二百二十戶至元二十年置三十二年改掌儀署隸內宰司泰定元年復為典設天曆二年隸本府

雜造人匠提舉司秩從四品達魯花赤一員提舉一員同提舉副提舉各一員都目一員司吏二人

部役二人至元八年置初隸繕珍司至大三年改隸章慶司章慶罷凡造作之事悉歸之天曆二年隸本府

雜造局秩正九品院長一員直長一員管勾一員隨路諸色人匠都總管府秩正三品中統五年命招集析居放良還俗僧道等戶習諸色匠藝立管領怯憐口總管府以司其造作秩正四品至元九年陞正三品大德十一年改繕珍司延祐六年陞徽儀使司秩正二品七年仍爲繕珍司官屬如舊至治三年復改都總管府達魯花赤一員總管二員並正三品同

知一員正五品副總管二員從五品經歷知事照磨提控案牘各一員令史四人譯史一人奏差二人典吏一人其屬附見

上都諸色民匠提舉司秩從五品提舉一員同提舉副提舉吏目各一員至元十九年立至大元年增達魯花赤一員至治二年省增置之員設官如舊

金銀器盒局秩從八品大使一員副使一員至元

七年置

染局秩正八品大使一員副使一員至元七年置



雜造局正八品大使副使各一員至元七年置

泥瓦局大使副使各一員至元七年置

鐵局大使一員副使一員至元七年置

上都葫蘆局大使一員副使一員至元七年置

器物局副使一員中統五年置

研金局大使一員至元二十年置

鞍子局大使一員至元七年置

雲州管納色提領所提領一員掌納色人戶至元

七年置

大都等路諸色人匠提舉司秩從五品提舉同

舉副提舉各一員至元十六年置其屬附見

雙線局提領一員副使一員至元十八年置受

大詹事院劄

大小木局大使一員副使一員直長一員至元

十八年置受詹事院劄元貞元年併領皇后位

下木局

盒鉢局大使一員副使一員直長一員至元七

年立受府劄

管納色提領一員受府劄管銅局筋局鎖兒局

粧釘局雕木局至元三十年置

成製提舉司秩從五品達魯花赤一員提舉一員  
同提舉副提舉各一員吏目一員司吏四人部役  
二人掌縫製之事至元二十九年置設官四員受  
院劄大德三年陞提舉司至治三年罷泰定四年  
復置木鼠

上都大都貂鼠軟皮等局提領所提領二員至元  
九年置受府劄二十七年給從七品卽改受省劄  
大德十一年給從六品印改受勅牒至治三年仍  
改受省劄其屬附見

大都軟皮局使一員副使一員至元十三年置

斜皮局局使一員副使一員至元十三年置

上都軟皮局局使一員副使一員至元十三年  
置

牛皮局大使一員至元十三年置

大金絲子局大使一員副使一員直長一員至元

十二年置掌金絲子匠造作之事

畫油局大使一員副使一員直長一員至元二

十年置受詹事院劄

羶局提領一員大使一員副使一員直長一員

至元十三年收集人戶爲羶匠二十六年始立

局  
材木庫大使副使各二員至元十六年置掌造  
作材木

瑪瑙玉局大使副使各一員直長二員至元十  
四年置

大都奧魯提領所提領一員掌理人匠詞訟至元  
十八年置受詹事院劄

一都奧魯提領所提領一員同提領一員掌理人  
匠詞訟至元十八年置受詹事院劄

上都異樣毛子局大使一員副使一員至元二十

年置受詹事院劄

上都毳局大使一員副使一員直長二員至元

十年置受詹事院劄

上都斜皮等局大使一員副使一員至元二十年

置受詹事院劄

蔚州定安等處山場採木提領所秩正八品提領

一員大使一員副使一員至元十二年置

上都隆興等路雜造鞍子局提領一員大使一員

直長二員至元二十三年置受詹事院劄

真定路興州雜造局大使一員副使一員掌造作

之事至元十九年置  
珠翠局大使副使各一員直長一員至元三十年

置  
管領大都等路打捕鷹房膳粉人戶總管府秩正四

品至元十四年打捕鷹房達魯花赤招集平灤散逸

人戶二十九年立總管府大德十一年撥隸皇太后

位下延祐六年陞正四品達魯花赤一員總管一

員首領官一員令史四人譯史一人奏差二人

管領本投下大都等路怯憐口民匠總管府國初招

集怯憐口哈赤民匠一千一百餘戶中統元年立總

管元二年給六品印掌戶部錢帛差發等事至九九

年撥隸安西王位下皇慶元年又屬公主皇后位下

延祐元年改隸章慶司天曆二年又改隸儲政院達

魯花赤一員總管一員俱受御寶聖旨同知一員副

總管一員俱受西安王令旨知事一員令史二人其

屬附見

織染提舉司秩正七品掌織造段疋提舉一員受

安西王令旨同提舉一員本府擬人副提舉一員

都目一員俱受安西王傳劄司吏一人

管民提領所凡三大都路兼奉聖州提領六員曹

州提領二員河間路提領三員受本府劄六員曹  
 管地提領所凡二奉聖州提領三員東安州提領  
 三員受本府劄一員本府劄人備提舉一員  
 管領諸路怯憐口民匠都總管府秩正三品至元七  
 年招集析居從良還俗僧道編籍人戶為怯憐口立  
 總管府以領之十四年以所隸戶口善造作屬中宮  
 十六年立織染雜造二局以司造作立提領所以司  
 徭役二十五年改陞正三品延祐六年改繕用司仍  
 三品七年復改府達魯花赤一員總管一員並正三  
 品同知二員正五品副總管二員從五品經歷知事

控

案牘兼

令史

五人譯史一人其屬

見

各處管民提領所秩正七品

河間

並都

保定

真寧

晉寧

大名

衛輝 宣德

以上凡所提領副提領各一員相副官二員

典史一人司吏二人

汴梁

曹州

大同

開元

大寧

上都

濟南 真定

以上八所提領副提領相副官各一員典史

一人司吏一人

歸德 鄂漢

以上三所提領同提領副提領各一員相副

官一員大都增一員典史司吏各一人

織染局秩正七品大使副使相副官各一員典史

司吏各一人

雜造局秩正七品大使副使相副官各一員典史

司吏各一人

弘州衣錦院秩正七品大使副使直長各一員典

史司吏各一人

豐州毛子局秩正七品大使副使各一員典史司

吏各一人

縉山毛子旋匠局秩正七品大使一員典史司吏

各一人

徐邳提舉司秩正五品提舉同提舉副提舉各一

員吏目司吏各一人一員

廣備庫大使副使各一員俱受院劄

汴梁等路管民總管府秩正三品達魯花赤總管同

知府判各一員經歷知事提控案牘各一員國初立

息州總管府領歸附六千三百餘戶元貞元年又併

壽穎歸附民戶二千四百餘戶改汴梁等路管民總管府掌各屯佃戶差役子粒隸徽政院泰定元年改隸詹事院後隸儲政院其屬庫一提領所八管佃提領十二軍大軍各一員別受別略

常盈庫大使副使各一員

提領所

新降戶 真陽新蔡 息州 汝寧 陳州

汴梁 鄭州 真定

以上八所每所提領各一員副提領相副半有差

管佃提領

汝陽五里岡 許州堰城縣 青龍宋岡

陳州須城商水等屯 分山曲堰

許州臨穎屯 許州襄城屯 汝陽金鄉屯

穎豐堰 遂平橫山屯 上蔡浮召屯

汝陽縣烟亭屯

以上十有二處各設提領二員

江淮等處財賦都總管府秩正三品達魯花赤總管

各一員並正三品同知一員正五品副總管二員從

五品經歷知事照磨兼提控案牘各一員令史十五

人奏差十五人譯史一人典史三人至元十六年以宋謝太后福王所獻事產及賈似道地土劉堅等田立總管府以治之大德四年罷命有司掌其賦天曆元年復立其賦復歸焉

儲用庫提領大使副使各一員

杭州織染局大使副使相副官各一員

揚州等處財賦提舉司達魯花赤提舉同提舉副

提舉各一員提控案牘都目各一員其屬附見

安慶等處河泊所提領大使副使各一員

建康等處財賦提舉司達魯花赤提舉同提舉副

提舉各一員提控案牘都目各一員

建康織染局大使副使相副官各一員

黃池織染局大使副使相副官各一員

建康等處三湖河泊所提領大使副使相副官各

一員

池州等處河泊所提領大使副使各一員

平江等處財賦提舉司達魯花赤提舉同提舉副

提舉各一員提控案牘都目各一員

杭州等處財賦提舉司設官同上

陝西等處管領毛子匠提舉司達魯花赤提舉各



一貞國初收集織造毛子人匠至元三年置官三  
貞皆世襲

昭功萬戶都總使司秩正三品都總使二貞正三品  
同知一貞從三品副使二貞正四品經歷知事照磨  
各一貞令史六人譯史六人知印二人怯里馬赤二  
人奏差六人典史四人至順二年立凡文宗潛邸扈  
從之臣皆領於是府其屬則宮相膳工等司

宮相都總管府秩正三品達魯花赤二貞都總管  
一貞副達魯花赤二貞同知二貞副總管二貞經  
歷知事提控案牘承發架閣各一貞至順二年罷

七百有三戶達魯花赤提舉副提舉各一貞至元二  
十二年置

管領大都等處金玉民匠稻田提舉司秩從五品掌  
納綿人匠五百二十有一戶達魯花赤提舉副提舉  
各一貞至元二十二年置

管領大都薊州等處打捕提舉司秩從五品掌打捕  
戶及民匠六百餘戶達魯花赤提舉副提舉各一貞  
至元二十二年置

雜造局秩正六品達魯花赤一貞提舉同提舉副提  
舉各一貞至元十六年置

怯憐口諸色民匠達魯花赤并管領上都納綿提舉  
司秩正五品掌迭只斡耳朶位下怯憐口諸色民匠  
及歲賜錢糧等事達魯花赤長官同知副長官各一  
員提控案牘一員

上都人匠提領所秩從七品達魯花赤提領同提領  
副提領各一員至元二十四年置

上都大都提領所秩從七品掌本位下怯憐口等事  
達魯花赤大使副使各一員至元二十七年置

歸德長官司秩從六品達魯花赤長官副長官各一  
員至治三年置

習織造至元十二年以賜東宮遂定置局官  
如左

真定局秩從七品大使一員國初招收戶計  
中統元年置掌織染造作至正十六年以賜  
東宮設官悉如舊

弘州壽麻林納失失局秩從七品二局各設  
大使一員副使一員至元十五年招收析居

放良等戶教習人匠織造納失失於弘州壽  
麻林二處置局十六年併為一局三十一年

徽政院以兩局相去一百餘里管辦非便後

爲二局

大名織染雜造兩提舉司秩正六品至元二

十一年置掌大名路民戶內織造人匠一千

五百四十有奇各置提舉同提舉副提舉一

員二十年增置雜造達魯花赤一員

供用庫秩從九品大使副使各一員受徽政

院劄國初爲綾錦總庫至元二十一年改爲

供用庫

管領諸路打捕鷹房納綿等戶總管府秩正三品

達魯花赤都總管同知治中府判各一員經歷知

事提控案牘各一員掌人匠一萬三千有奇歲辦

稅糧皮貨採捕野物鷹鷄以供內府至元十二年

賜東宮位下遂以真定所立總管府移置大都隸

詹事十六年合併所管之戶置都總管以總治之

三十一年詹事院罷隸徽政至大四年隸崇祥院

延祐六年又隸詹事天曆元年隸儲慶使司至順

元年改屬宮相府

管領上都等處打捕鷹房納綿等戶大使司大

使副使各一員

管領順德等處打捕鷹房納綿等戶提領所達

魯花赤提領副提領各一員

管領真寧等處打捕鷹房納綿等戶提領所提

領副提領各一員

管領大都左右巡院等處打捕鷹房納綿等戶

提領所提領副提領各一員

管領固安等處打捕鷹房納綿等戶提領所提

領副提領各一員

管領中山等處打捕鷹房納綿等戶提領所提

領副提領各一員

管領濟南等處打捕鷹房納綿等戶提領所提

領副提領各一員

管領德州等處打捕鷹房納綿等戶提領所提

領副提領各一員

管領益都等處打捕鷹房納綿等戶提領所提

領副提領各一員

管領大同等處打捕鷹房納綿等戶提領所提

領副提領各一員

管領濟寧等處打捕鷹房納綿等戶提領所提

領副提領各一員

管領興和等處打捕鷹房納綿等戶提領所提

領副提領各一員

管領晉寧等處打捕鷹房納綿等戶提領所提

領副提領各一員

管領順州稻田提領所提領副提領各一員

管領懷慶稻田提領所提領一員

管領檀州等處打捕鷹房納綿等戶提領所提

領副提領各一員

管領大寧等處打捕鷹房納綿等戶提領所提

領副提領各一員

管領薊州等處打捕鷹房納綿等戶提領所提

領副提領各一員

管領真定等處打捕鷹房納綿等戶提領所設

官仝上

管領趙州等處打捕鷹房納綿等戶提領所設

官仝上

管領保定等處打捕鷹房納綿等戶提領所設

官仝上

管領真州等處打捕鷹房納綿等戶提領所設

官仝上

管領汴梁等處打捕鷹房納綿等戶提領所設

官全上梁等處計前縣長縣縣等可對酌也  
廣衍庫大使一員

管領滑山炭場所大使一員  
繕工司秩正三品卿二員少卿二員丞二員經歷  
知事照磨兼提控案牘管勾承發架閣各一員令  
史四人譯史二人知印二人怯里馬赤一人典吏  
三人掌人匠營造之事天曆二年置其屬附見  
金玉珠翠提舉司達魯花赤提舉同提舉副提  
舉各一員吏目一員司吏四人  
大都織染提舉司提舉二員同提舉副提舉各  
一員吏目一員司吏四人

大都雜造提舉司達魯花赤提舉同提舉副提  
舉各一員吏目一員司吏四人  
富昌庫大使一員副使一員庫子二人攢典一  
人

內史府秩正二品內史九員正二品中尉六員正三  
品司馬四員正四品諮議二員從五品記室二員從  
六品照磨兼管勾承發架閣庫從八品掾史八人譯  
史四人知印通事各二人宣使五人典史二人至元  
二十九年封晉王于太祖四幹耳朶之地改王傳爲

內史秩從二置官十四員延祐五年陞正三品給印  
分司京師并分置官屬八員  
延慶司秩正三品掌王府祈禳之事使三員正三  
品同知二員正四品典簿一員從七品令史二人  
譯史知印通事各一人奏差二人至元二十七年  
置  
斷事官秩正三品理王府詞訟之事斷事官一十  
六員正三品經歷知事各一員令史三人  
典軍司秩從七品掌控鶴百二十有六人典軍二  
員副使二員大德四年置

隨路諸色民匠打捕鷹房都總管府秩正三品總四  
幹耳朵位下戶計民匠造作之事達魯魯花赤二員都  
總管一員同知一員副總管二員經歷知事提控案  
牘各一員令史四人奏差二人至元二十四年置官  
吏不入常調凡幹耳朵之事復置四總管以分掌之  
管領保定等路阿哈探馬兒諸色人匠總管府秩從  
三品掌太祖大幹耳朵一切事務達魯魯花赤總管同  
知副總管各一員知事一員吏二人至元十七年置  
管領漕州東平等路民匠提舉司秩從五品達魯魯花  
赤提舉同提舉副提舉各一員至元十九年置

管領大都納綿提舉司秩從六品達魯花赤提舉副  
提舉各一員至元十七年置

管領上都大都奉聖州長官司秩從六品管領出征  
軍五十有一戶達魯花赤長官各一員至元十七年

置

管領保定織染局秩從六品管匠一百有一戶達魯  
花赤提舉同提舉副提舉各一員至元十七年置

管領豐州捏只局頭日一員掌織造花毯至元十七  
年置

管領打捕鷹房民匠達魯花赤總管府秩正四品掌

二皇后幹耳朶位下歲賜財物造作等事達魯花赤

總管同知副總管知事各一員吏二人至元二十一  
年置

管領口子迤北長官司秩從五品掌領戶計二百有  
六達魯花赤長官副長官各一員至元二十一年置

管領隨路諸色民匠達魯花赤等官秩正五品統民  
匠一千五百二十有五戶達魯花赤總管同知副總

管各一員至元二十一年置  
管領隨路打捕納綿民匠長官司秩從五品掌民匠

一百七十有九戶達魯花赤長官各一員至元二十



一年置 十戶民匠提舉司秩從七品掌民匠二百有二  
戶提舉同提舉副提舉各一員至元二十一年置

管領涿州成錦局人匠提舉司秩從五品領匠一百  
有二戶達魯花赤提舉同提舉副提舉各一員至元  
二十一年置 員官備員官各一員至元二十一年置

管領河間民匠提舉司秩從四品掌民匠二百二十  
戶達魯花赤提舉同提舉副提舉各一員至元二十  
一年置 員官備員官各一員至元二十一年置

管領河間滄州等處長官司秩正五品領戶計五百  
四十有八達魯花赤長官副長官各一員至元二十  
一年置

管領河間臨邑等處軍民長官司秩正七品掌軍民  
二百有二戶達魯花赤長官副長官各一員至元二  
十一年置

管領隨路諸色民匠打捕鷹房等戶總管府秩從四  
品掌太祖幹耳朵四季行營一切事務達魯花赤總  
管同知副總管知事各一員司吏二人大德二年置

管領涿州等處民匠異錦局秩從五品掌民匠一百  
五十戶達魯花赤提舉同提舉副提舉各一員大德

一年置

管領上用織染局秩從七品掌工匠七十有八戶提舉同提舉副提舉各一員大德二年置

管領上都大都麴米等長官司秩從七品領民匠七十有九戶達魯花赤長官副長官各一員大德二年

置

管領彰德等處長官司秩從七品掌民一百一十有七戶達魯花赤長官副長官各一員大德二年置

管領上都大都等處長官司秩從五品掌民二百六十有一戶達魯花赤長官副長官各一員大德二年

置

管領泰安等處長官司秩正七品掌民一百有一戶

達魯花赤長官副長官各一員大德二年置

管領曹州等處長官司秩從五品管民一百有五戶

達魯花赤長官副長官各一員大德二年置

管領隨路打捕鷹房諸色民匠怯憐口總管府秩從三品掌大祖四皇后位下四季行營并歲賜造作之

事達魯花赤總管同知副總管各一員經歷知事提

控案牘兼照磨各一員司吏二人延祐五年置

管領大都上都打捕鷹房納米麩提舉司秩從五品

統領一百九十有五戶達魯花赤提舉各一員延祐五年置

管領大都涿州織染提舉司秩從七品掌領九十有六戶達魯花赤提舉各一員延祐五年置

管領河間路清州人匠提舉司秩從五品掌戶計二百三十有四戶達魯花赤提舉各一員延祐五年置

隨路打捕鷹房諸色民匠總管府秩正四品掌北安王位下歲賜錢糧之事達魯花赤總管同知副總管

知事各一員至元二十二年置  
管領大都等處納綿提舉司秩正七品掌納綿戶計

宮相府并鶴馭司改怯憐口錢糧總管府為本府

織染雜造人匠都總管府秩正三品達魯花赤

一員總管一員同知一員副總管二員經歷知

事提控案牘照磨各一員至元二十年為管領

織染段疋匠人設總管府元貞二年以營繕浩

繁事務沉滯陞為都總管府隸徽政院天曆元

年改隸儲慶使司三年改屬宮相

織染局秩從七品大使一員副使一員至元

二十三年改織染提舉司為局

綾錦局秩從七品大使一員副使一員至元

八年置九年以招收柝居放良還俗僧道爲  
工匠二百八十有二戶教習織造之事遂定

置以上官秩從七品大使一員副使一員至元

半紋錦局秩從七品大使一員副使一員國初

以招收漏籍人戶各管教習立局領送納絲

銀物料織造段疋至元八年設長官十二年

以諸人匠賜東宮十三年罷長官設以上官

一掌之

中山局秩從七品大使一員副使一員國初

以招收隨路漏籍不當差人戶立局管領教

管領上都大都諸色人匠納綿戶提舉司秩從五品  
掌幹耳朵位下歲賜等事達魯花赤提舉同提舉各  
一員至元十七年置

致用庫秩從七品提領大使各一員副使二員至元

三十七年置

提舉司秩從八品提領三員副提領一員至元十一

年置

上都人匠局秩從七品達魯花赤二員副使二員至

元二十七年置

諸王傳官寬徹不花太子至齊王位下凡四十五王

每位下各設王傅傅尉司馬三員傅尉唯寬徹不花也不干斡羅溫三王有之自此以下皆稱府尉別於王傅之下司馬之上而三員並設又多寡不同或少至一員或多至三員者齊王則又獨設王傅一員都護府秩從二品掌領舊州城及畏吾兒之居漢地者有詞訟則聽之大都護四員從二品同知二員從三品副都護二員從四品經歷一員從六品都事一員從七品照磨兼承發架閣庫管勾一員正八品令史四人譯史二人通事知印各一人宣史四人典史一人至元十一年初置畏吾兒斷事官秩三品十七

年改領北庭都護府秩二品置官十二員二十年改大理寺秩正三品二十二年復爲大都護品秩如舊延祐二年陞正二品七年復從二品定官制如上

崇福司秩二品掌領馬兒哈昔列班也里可溫十字寺祭享等事司使四員從二品同知二員從三品副使二員從四品司丞二員從五品經歷一員從六品都事一員從七品照磨一員正八品令史二人譯史通事知印各一人宣使二人至元二十六年置延祐二年改爲院置領院事一員省併天下也里可溫掌教司七十二所悉以其事歸之七年復爲司後定置

已上官員二員悉以其事體之大小酌量同參  
 二半如無別置則專一員首指天下也里河監  
 監車以甲各一人宣對二人至元二十六平置  
 監車一員宣對二品監對一員五八品令史二人  
 監車一員宣對四品同各二員對正品監對一員  
 監車一員宣對三品同各二員對正品監對一員  
 監車一員宣對二品同各二員對正品監對一員

志卷第三十九

志卷第四十

元史九十一

南 京 國 儲 子 監 祭 酒 侯 大 恪

司 業 謝 德 溥 補刊

百官六

大都留守司秩正三品掌守衛宮闕都城調度本路  
 供億諸務兼理營繕內府諸邸都宮原廟尚方車服  
 殿廡供帳內苑花木及行幸湯沐宴游之所門禁關  
 鑰啓閉之事留守五員正二品同知二員正三品副  
 留守二員正四品判官二員正五品經歷一員從六  
 品都事二員從七品管勾承發架閣庫一員正八品

照磨兼覆料官一員部役官兼壕寨一員令史十八人宣使十七人典史五人知印三人蒙古必闌赤三人回回令史一人通事一人至元十九年罷宮殿府行工部置大都留守司兼本路都總管知少府監事二十一年別置大都路都總管府治民事并少府監歸留守司呈慶元年別置少府監延祐七年罷少府監復以留守兼監事其屬附見

修內司秩從五品領十四局人匠四百五十戶掌修建宮殿及大都造作等事提點一員大使一員副使二員直長五員吏目一員照磨一員部役七

員司吏六人中統二年置至元中增工匠計一千二百七十有二戶其屬附見

大木局提領七員管勾三員掌殿閣營繕之事  
中統二年置

品小木局提領二員同提領一員副提領三員管  
勾三員提控四員中統四年置  
大木局提領八員管勾二員中統四年置  
車局提領二員管勾一員中統五年置

粧釘局提領二員同提領二員中統四年置  
銅局提領一員同提領二員管勾一員中統四

年置以上六局秩從八品

竹作局提領二員提控一員中統四年置

繩局提領二員中統五年始置

祇應司秩從五品掌內府諸王邸第異巧工作修

禳應辦寺觀營繕領工匠七百戶大使一員從五

品副使一員正七品直長三員正八品吏目一員

司吏二人國初建兩京殿宇始置司以備工役其

屬附見

油漆局提領五員同提領副提領各一員掌兩

都宮殿髹漆之工中統元年置

畫局提領五員管勾一員掌諸殿宇藻繪之工

中統元年置

銷金局提領一員管勾二員掌諸殿宇裝盞之

工中統四年置

裱褙局提領一員掌諸殿宇裝潢之工中統二  
年置

燒紅局提領二員掌諸宮殿所用心紅顏料至

元元年置

器物局秩從五品掌內府宮殿京城門戶寺觀公  
廨營繕及御用各位下鞍轡忽哥轎子帳房車輛



金寶器物凡精巧之藝雜作匠戶無不隸焉大使一員從五品副使一員正七品直長二員正八品吏目一員司吏二人中統四年始立御用器物局受省劄至元七年改為器物局秩如上其屬附見鐵局提領三員管勾三員提控一人掌諸殿宇輕細鐵工中統四年置

減鐵局管勾一員提控二人掌造御用及諸宮邸繫腰中統四年置

盒鉢局提領二員掌製御用繫腰中統四年置成鞍局提領三員掌造御用鞍轡象轎中統四

六年置

羊山鞍局提領一員提控一員掌造常課鞍轡諸物至元十八年置

網局提領二員管勾一員掌成造宮殿細扇之工中統四年置

刀子局提控二員掌造御用及諸宮邸寶貝佩刀之工中統四年置

旋局提領二員掌造御用異樣木植器物之工中統四年置

銀局提領一員掌造御用金銀器盒繫腰諸物

中統四年置

轎子局提領一員掌造御用異樣木植鞍子諸物中統四年置

採石局秩從七品大使副使各一員掌夫匠營

造內府殿宇寺觀橋牌石材之役至元四年置

石局總管十一年撥採石之夫二千餘戶常任

工役置大都等處採石提舉司二十六年罷立

采石局山場提領一員管勾五員至元四年置

大都城門尉秩正六品尉二員副尉一員掌門禁

啓閉管鑰之事至元二十年置以四怯薛八刺哈

赤爲之二十四年復以六衛親軍參掌凡十有一

門曰麗正曰文明曰順承曰平則曰和義曰肅清

曰安貞曰健德曰光熙曰崇仁曰齊化每門設官

如上

犀象牙局秩從六品大使副使直長各一員司吏

一人掌兩都宮殿營繕犀象龍床卓器繫腰等事

中統四年置設官一員至元五年增副使管匠戶

一百有五十其屬附見

雕木局提領一員掌宮殿香閣營繕之事至元

十一年置

牙局提領一員管勾一員掌官殿象牙龍床之  
工至元十二年置

大都四密場秩從六品提領大使副使各一員領  
匠夫三百餘戶營造素白琉璃磚瓦隸少府監至  
元十三年置其屬三

南密場大使副使各一員中統四年置

西密場大使副使各一員至元四年置

琉璃局大使副使各一員中統四年置

凡山採木提舉司秩從五品掌採伐車輛等雜作  
木植及造只孫繫腰刀把諸物達魯花赤提舉各

一員並從五品同提舉一員正七品副提舉一員

正八品吏目一員司吏六人至元十四年置

上都採山提領所秩從八品提領副提領提控各

一員至元九年以採伐材木鍊石爲灰徵發夫匠  
一百六十三戶遂置官以統之

凡山宛平等處管夫匠所提領二員同提領二員

管領催車材戶提領一員至元十五年置

器備庫秩從五品提點一員從五品大使一員從

六品副使二員正七品直長四員正八品掌殿閣

金銀寶器二千餘事至元二十七年置

甸皮局秩正七品大使一員管匠三十餘戶至元  
七年置十四年始定品秩二十一年改隸留守司  
歲辦熟造紅甸羊皮二千有奇正品大使一員  
上林署秩從七品署丞各一員直長一員掌  
宮苑栽植花卉供進蔬菓種首藉以飼駝馬備煤  
炭以給營繕至元二十四年置

養種園提領二員掌西山淘煤羊山燒造黑白木  
炭以供修建之用中統三年置

花園管勾二員掌花卉果木至元二十四年置  
首藉園提領三員掌種首藉以飼馬駝膳羊

儀鸞局秩正五品掌殿庭燈燭張設之事及殿閣  
浴室門戶鎖鑰苑中龍舟圈檻珍異禽獸給用內  
府諸宮太廟等處祭祀庭燎縫製簾帷灑掃掖庭  
領燭刺赤水手樂人禁蛇人等二百三十餘戶輪  
直怯薛大使四員正五品副使二員從六品直長  
二員正八品都目一員書吏二人庫子一人至元  
十一年置局秩正七品二十三年陞正五品至大  
四年仁宗御西宮又別立儀鸞局設置亦同延祐  
七年增大使二員以宦者爲之領匠提領所

燭刺赤提領八員提控四員

水手提領二員員對對四員

針工提領一員員對對四員

蠟燭局提領一員員對對四員

木場提領一員大使一員副使一員掌受給營造

宮殿材木至元四年置南東二木場十七年併為

一場舊大對四員五五品幅對二員六品直具

大都路管領諸色人匠提舉司秩從五品掌大都

諸色匠戶理斷昏田詞訟等事提舉一員從五品

同提舉一員正七品副提舉一員正八品吏目六

人司吏二人中統四年置人匠與總管府秩從

四品至元十二年改提舉司五品兼管採石人

戶秩如舊

真定路東平路管匠官秩從七品路大使一員

副使一員中統四年置

保定路宣德府管匠官秩從七品保定大使一員

副使一員管匠官一員宣德二員中統四年置

大名路管匠官秩從七品大使一員管匠官三員

中統四年置

晉寧與寧大同河間四路管匠官秩從七品每路

大使副使各一員中統四年置

收支庫秩正九品掌受給管繕撥點一員大使一員副使二員直長二員庫子二人至元四年置諸色庫秩從八品掌修內材木及江南徵索異樣木植并應辦官寺齋事大使一員副使一員司庫二人至大四年置

太廟收支諸物庫秩從八品大使副使各一員司庫四人至治二年以營治太廟始置

南寺北寺收支諸物二庫秩從七品提領大使各一員副使二員司庫之屬凡十人至治元年以建壽安山寺始置

廣誼司秩正三品司令二員正三品同知二員正四品副使二員正五品判官二員正六品經歷知事各二員照磨一員總和顧和買管繕織造玉役供億物色之務至元十四年改覆實司辨驗官兼提舉市令司大德五年又分大都路總管府官屬置供需府至順二年罷之立廣誼司

武備寺秩正三品掌繕治戎器兼典受給卿四員正三品同判六員從三品少卿四員從四品丞四員從五品經歷知事各一員照磨兼提控案牘一員承發架閣庫管勾一員辨驗弓官二員辨驗筋角翎毛等

崇禎三年刊  
元史卷四  
官二員令史十有三人至元五年始立軍器監秩四  
品十九年陞正三品二十年立衛尉院改軍器監為  
武備監秩正四品隸衛尉院二十一年改監為寺與  
衛尉並立大德十一年陞為院至大四年復為寺設  
官如舊其所轄屬官則自為選擇其匠之能者任  
之

壽武庫秩從五品提點二員從五品大使二員正  
大品副使四員正七品庫子一十人至元十年以  
衣甲庫改置  
利器庫秩從五品提點二員大使二員副使二員

秩品同壽武庫庫子一十人至元五年始立軍器  
庫十年通掌隨路軍器改利器庫  
廣勝庫秩從五品掌平陽太原等處歲造兵器以  
給北邊征戍軍需達魯花赤一員大使副使各一  
員庫子一人

大同路軍器人匠提舉司秩從五品達魯花赤一  
員提舉一員並從五品同提舉一員正七品副提  
舉一員正八品其屬豐州甲局院長一員應州甲  
局院長一員平地縣甲局院長一員山陰縣甲局  
院長一員白登縣甲局頭目一人豐州弓局使一

員賽甫丁弓局頭目一人

平陽路軍器人匠提舉司秩正大品達魯花赤一

員提舉同提舉副提舉各一員其屬本路投下雜

造局大使一員副使一員絳州甲局大使一員

太原路軍器人匠局秩正七品正魯花赤一員局

使一員副使一員吏目一員

保定軍器人匠提舉司秩從六品達魯花赤提舉

同提舉副提舉各一員其屬河間甲局院長一員

忻州安平縣甲局院長一員陵州箭局頭目一人

真定路軍器人匠提舉司秩從六品達魯花赤提

舉同提舉副提舉各一員其屬興州甲局院長一

人

懷孟河南等路軍器人匠局秩正七品局使局副

各一員其屬懷孟路弓局院長一員

下梁路軍器局秩正七品局使局副各一員其屬

常課弓局院長一員常課甲局院長一員

益都濟南箭局秩正七品局使一員

彰德路軍器人匠局秩正七品大使一員副使一

員

大名軍器局秩正七品大使副使各一員



上都甲匠提舉司秩從五品提舉同提舉副提舉各一員其屬興州白局子甲局院長一員興州千戶寨甲局院長一員松州五指崖甲局院長一員松州勝安甲局院長一員遼河等處諸色人匠提舉司秩從五品達魯花赤提舉同提舉各一員其屬遼蓋弓局大使副使各一員蓋州甲局局使一員上都雜造局秩正七品大使副使各一員奉聖州軍器局秩從七品大使副使各一員蔚州軍器人匠提舉司秩正六品達魯花赤提舉

同提舉副提舉各一員

宣德府軍器人匠提舉司秩正六品達魯花赤提舉同提舉副提舉各一員

廣平路甲局院長一員

東平等路軍器人匠提舉司秩從五品達魯花赤提舉同提舉副提舉各一員

通州甲匠提舉司秩正六品達魯花赤提舉同提舉副提舉各一員

薊州甲匠提舉司秩正五品達魯花赤提舉同提舉副提舉各一員

欠州武器局秩從五品大使副使各一員

大都甲匠提舉司秩正六品達魯花赤提舉同提

舉副提舉各一員

大都箭局秩從七品大使副使各一員

大寧路軍器人匠提舉司秩從六品達魯花赤提

舉同提舉副提舉各一員

豐州雜造局秩正六品達魯花赤大使副使各一

員

歸德府軍器局院長一員

汝寧府軍器局院長一員

陳州軍器局院長一員

許州軍器局秩從七品大使副使各一員

咸平府軍器人匠局秩從七品達魯花赤大使副

使各一員

大都弓匠提舉司秩正五品達魯花赤提舉同提

舉副提舉各一員其屬雙塔弓局大使副使各一

員成吉里弓局大使副使各一員通州弓局院長

一員

大都弦局大使副使各一員至元三十年改提舉

司置局

隆興路軍器人匠局達魯花赤大使副使各一員  
至元三十年置  
平灤路軍器人匠局大使副使各一員至元三十  
年置

大都雜造局提領二員元貞二年置  
太僕寺秩從二品掌阿塔思馬匹受給造作鞍轡之  
事中統四年設羣牧所至元十六年改尚牧監十九  
年又改太僕院二十年改衛尉院二十四年罷院立  
太僕寺又別置尚乘寺以管鞍轡而本寺止管阿塔  
思馬匹二十五年隸中書置提調官二員大德十一

年復改太僕院至大四年仍爲寺卿二員從二品少  
卿二員從四品丞二員從五品經歷知事照磨管勾  
各一員令史七人譯史知印通事各二人奏差四人  
回回令史一人典史二人

尚乘寺秩從三品掌上御鞍轡輿輦阿塔思羣牧驛  
馬驢騾及領隨路局院鞍轡等造作收支行省歲造  
鞍轡理四怯薛阿塔赤詞訟起取南北遠方馬疋等  
事卿四員正三品少卿二員從四品丞二員從五品  
經歷知事照磨管勾各一員令史六人譯史二人知  
印二人通事二人奏差五人典史二人至元二十四

年罷衛尉院始設尚乘寺領資乘庫大德十一年陞  
爲院秩從二品至大四年復爲寺延祐七年降從三  
品  
資乘庫秩從五品提點四員從五品大使三員正  
六品副使四員正七品庫子四人掌收支鞍轡等  
物至元十三年置二十年隸衛尉二十四年隸尚

乘寺

長信寺秩正二品領大幹耳朶怯憐口諸事卿四員  
正三品少卿二員從四品寺丞二員從五品經歷知  
事各一員令史六人譯史知印各二人通事一人奏

差四人大德五年置至大元年改陞爲院四年仍爲  
寺卿五員增少卿一員以宦者攝之延祐七年省書  
卿少卿各一員定置如上

怯憐口諸色人匠提舉司秩從五品領大都上都  
二鐵局并怯憐人匠以材木鐵炭皮貨諸色備幹  
耳朶各枝房帳之需達魯花赤一員提舉同提舉  
副提舉各一員吏目一人司吏四人至元二十五  
年置

大都鐵局秩從五品掌幹耳朶上下往來造作粧  
釘房車大使一員副使一員直長一員至元十二

年置車夫大判一員偏對一員直身一員至元十四年置掌  
上都鐵局大使一員副使一員至元十六年置掌  
職如前

長秋寺秩正三品掌武宗五幹耳朶戶口錢糧營繕  
諸事寺卿五員正三品少卿二員從四品寺丞二員  
從五品經歷知事各一員令史六人譯史知印各二  
人通事一人奏差四人皇慶二年置其屬二

怯憐口諸色人匠提舉司秩從五品掌正宮造作  
之役達魯花赤一員同提舉副提舉各一員吏目  
一人司吏四人至大元年幹耳朶三位下撥到人

匠五百九十三戶始置提舉司隸中政院後屬長  
信寺

怯憐口諸色人匠提舉司秩從五品掌領武宗軍  
上北來人匠達魯花赤一員提舉一員同提舉副  
提舉各一員吏目一人司吏二人至大元年置

承徽寺秩正三品掌答兒麻失里皇后位下錢糧營  
繕等事寺卿五員正三品少卿二員從四品寺丞二  
員從五品經歷知事各一員令史六人譯史知印各

二人通事一人奏差四人至治元年置其屬二  
怯憐口諸色人匠提舉司二秩正五品各設達魯

花赤一員提舉同提舉副提舉各一員吏目一人  
司吏三人至治三年置

長寧寺秩正三品掌英宗速哥八剌皇后位下戶口  
錢糧營繕等事寺卿六員正三品少卿二員從四品  
寺丞二員從五品經歷知事各一員吏屬令史六人  
譯史知印各二人怯里馬赤一人奏差四人至治三  
年置  
長慶寺秩正三品掌成宗幹耳朵及常歲管辦禾矢  
房子行幸怯薛台人等衣糧之事寺卿六員少卿二  
員寺丞二員品秩同長寧寺經歷知事各一員令史

六人譯史知印各二人怯里馬赤一人奏差四人泰  
定元年置

寧徽寺秩正三品隸八不沙皇后位下寺卿六員少  
卿四員丞二員品秩同長慶寺經歷知事各一員天  
曆三年置

太府監秩正三品領左右藏等庫掌錢帛出納之數  
太卿六員正三品太監六員從三品少監五員從四  
品丞五員正五品經歷知事照磨各一員令史八人  
譯史三人通事知印各一人奏差四人中統四年置  
至元四年爲宣徽太府監凡內府藏庫悉隸焉八年

陸正二品大德九年改爲院秩從二品院判叅用宦者至大四年復爲監定置如上

內藏庫秩從五品掌出納御用諸王段疋納失失紗羅絨錦南綿香貨諸物提點四員從五品大使二員正六品副使二員正七品至元二年置署上都十九年始署大都以宦者領之復有行內藏二十八八年省之止存內藏左右二庫

右藏提點四員大使二員副使二員品秩同上掌收支金銀寶鈔只孫段疋水晶瑪瑙玉璞諸物至元十九年置

左藏提點四員大使二員副使二員品秩同上掌收支常課和買紗羅布絹絲綿絨錦木綿鋪陳衣服諸物至元十九年置

度支監秩正三品掌給馬駝芻粟卿三員正三品太監二員從三品少監三員從四品監丞二員從五品經歷二員知事一員提控案牘一員照磨兼管勾一員令史十四人譯史四人通事知印三人奏差四人典吏五人國初置孛可孫至元八年以重臣領之十三年省孛可孫以宣徽兼其任至大二二年改立度支院四年改爲監

利用監秩正三品掌出納皮貨衣物之事監卿八員  
正三品太監五員從三品少監五員從四品監丞四  
員正五品經歷知事照磨管勾各一員令史八人譯  
史二人通事知印各一人奏差六人典史二人至元  
十年置二十年罷二十六年復置大德十一年改爲  
院至大四年復爲監

資用庫秩從五品提點二員從五品大使三員正  
六品副使五員正七品庫子五人至元二年置隸  
太府十年隸利用

怯憐口皮局人匠提舉司秩正五品提舉二員同

提舉一員提控案牘一員中統元年置局至元六  
年改提舉司

雜造雙線局秩從八品造內府皮貨鷹帽等物大  
使副使直長典史各一員

熟皮局掌每歲熟造野獸皮貨等物大使副使直  
長各一員至元二十年置

軟皮局掌內府細色銀鼠野獸諸色皮貨大使副  
使直長各一員至元二十五年置

斜皮局掌每歲熟造內府各色野馬皮勝副使一  
員至元二十年置



貂鼠局提舉司秩從五品提舉一員同提舉副提舉各一員至元二十年置

貂鼠局副使二員直長一員至元十九年立

染局副使一員直長一員營勾一員掌每歲變染

皮貨至元二十年始置

熟皮局秩從七品大使一員副使一員典史一人

司吏一人至元六年置

中尚監秩正三品掌大幹耳朶位下怯憐口諸務及領資成庫氈作供內府陳設帳房帟幕車輿雨衣之用監鄉入員正三品太監二員從三品少監二員從

四品監丞二員正五品經歷知事照磨各一員令史七人譯史三人通事二人知印二人奏差五人至元十五年置尚用監二十年罷二十四年改置中尚監三十年分置兩都灤河三庫怯憐口雜造等九司局而總領之至大元年陞爲院四年復爲監參用宦者三人

資成庫秩從五品掌造氈貨提點三員從五品大使三員正六品副使三員正七品至元二年置隸太府二十二年始歸于監

章佩監秩正三品掌宦者速古兒赤所收御服寶帶

監卿五員正三品太監四員從三品少監二員從四品監丞二員正五品經歷知事照磨各一員令史七人譯史二人通事二人奏差四人至元二十二年置至大元年陞爲院秩從二品四年復爲監定置如上御帶庫秩從五品掌繫腰偏束等帶併條環諸物供奉御用以備賜予提點三員大使三員副使二員品秩同資成至元二十八年置俱以中官爲之元貞二年增二員兼署上都之事

異珍庫秩從五品掌御用珍寶后妃公主首飾寶貝提點三員大使三員副使二員品秩同上至元

一十八年置

經正監秩正三品掌管盤納鉢及標撥投下草地有詞訟則治之太卿一員正三品太監二員從三品少監二員從四品監丞二員正五品經歷知事各一員令史八人譯史四人至大四年置監卿太監少監並奴都赤爲之監丞流官爲之

都水監秩從三品掌治河渠并隄防水利橋梁牖堰之事都水監二員從三品少監一員正五品監丞二員正六品經歷知事各一員令史十人蒙古必閣赤一人回回令史一人通事知印各一人奏差十人壕

寨十六人典吏二人至元二十八年置二十九年領河道提舉司大德六年陞正三品延祐七年仍從三品  
大都河道提舉司秩從五品提舉一員從五品同提舉一員從六品副提舉一員從七品

秘書監秩正三品掌歷代圖籍并陰陽禁書卿四員正三品大監二員從三品少監二員從四品監丞二員從五品典簿一員從七品令史三人知印奏差各二人譯史通事各一人典書二人典吏一人屬官著作郎二員從六品著作佐郎二員正七品秘書郎二

員正七品校書郎二員正八品辨驗書畫置長一員正八品至元九年置其監丞皆用大臣奏薦選世家名臣子弟爲之大德九年陞正三品給銀印延祐元年定置卿四員參用宦者二人

司天監秩正四品掌凡曆象之事提點一員正四品司天監三員正四品少監五員正五品丞四員正六品知事一員令史二人譯史一人通事兼知印一人

屬官提學二員教授二員並從九品學正二員天文科管勾二員算曆科管勾二員三式科管勾二員測驗科管勾二員漏刻科管勾二員並從九品陰陽管

勾一員押宿官二員司辰官八員天文生七十五人  
 中統元年因舍人舊制立司天臺設官屬至元八年  
 以上都承應闕官增置行司天監十五年別置太史  
 院與臺並立頒之政歸院學校之設隸臺二十三  
 年置行監二十七年又立行少監慶元年陞正四  
 品延祐元年特陞正三品七年仍正四品  
 員五四品  
 回回司天監秩正四品掌觀象衍曆提點一員司天  
 監三員少監二員監丞二員品秩同上知事一員令  
 史二員通事兼知印一人奏差一人屬官教授一員  
 天文科管勾一員算曆科管勾一員二式科管勾一

員測驗科管勾一員漏刻科管勾一員陰陽人二十  
 八人世祖在潛邸時有旨徵回回為星學者杜馬與  
 丁等以其藝進未有官署至元八年始置司天臺秩  
 從五品十七年置行監皇慶元年改為監秩正四品  
 延祐元年陞正三品置司天監二年命秘書卿提調  
 監事四年後正四品

上都留守司兼本路都總管府品秩職掌如大都  
 守司而兼治民事車駕還大都則領上都諸倉庫之  
 事留守六員正二品同知二員正三品副留守二員  
 正四品判官二員正五品經歷二員都事四員照磨

兼管勾一員令史四十四人譯史六人回回令史三人通事知印各二人宣使一十二人國初置開平府中統四年改上都路總管府至元三年又給留事司印十九年併為上都留守司兼本路都總管府

附見  
修內司秩從五品掌營修內府之事大使一員  
五品副使三員正七品直長三員正八品至元八年置

祇應司秩從五品掌粧鑿油染表楮之事大使一員從五品副使二員正七品直長三員正八品

器物局秩從五品掌造鐵器內府營造鈔銀之事大使一員副使一員直長二員

儀鸞局秩正五品大使二員副使三員直長八員至大四年罷典設署改置為局

兵馬司秩正四品指揮使三員副指揮使二員知事一員提控案牘一員司吏八人至元二十九年

置

警巡院秩正六品達魯花赤一員警巡使一員副使二員判官二員司吏八人

開平縣秩正六品達魯花赤一員尹一員丞一員

主簿一員尉一員典史一員司吏八人  
平盈庫大使一員副使一員至元三十年置  
萬盈庫達魯花赤監支納大使副使各一員中統  
初置

廣積倉達魯花赤監支納大使副使各一員中統  
初置永盈倉大德間改為廣積倉

萬億庫秩正五品達魯花赤一員提舉一員同提  
舉副提舉各一員提控案牘一員司吏六人譯史  
一人至元二十三年置

行用庫提點一員大使一員副使一員

稅課提舉司秩正五品提舉二員同提舉副提舉  
提控案牘各一員元貞元年置  
八作司品秩職掌悉與大都左右八作司同達魯  
花赤一員提領大使副使各一員至元十七年置  
餼廩司掌諸王駙馬使客飲食大使一員副使一  
員至元二年置上都應辦所延祐五年改為餼廩  
司

尚供總管府秩正三品掌守護東涼亭行宮及遊獵  
供需之事達魯花赤一員總管一員並正三品同知  
一員從四品副總管一員從五品判官一員正六品

經歷知事提控案牘各一員令史譯史知印奏差有  
差至元十三年置八哈赤八刺哈孫達魯花赤延祐  
二年改總管府其屬附見

香河等處巡檢司巡檢一員司吏一人

景運倉秩從五品提點一員從五品大使一員正  
六品副使一員正七品至元二十一年置  
法物庫秩從九品大使副使各一員至元二十九  
年置

雲需總管府秩正三品掌守護察罕腦兒行宮及行  
營供辦之事達魯花赤一員總管一員並正三品同

知一員從四品副總管一員從五品判官一員正六  
品經歷一員知事一員提控案牘一員延祐二年置  
大都路都總管府秩正三品達魯花赤二員都總管  
一員副達魯花赤二員同知二員治中二員判官二  
員推官二員經歷二員知事二員提控案牘四員照  
磨兼管勾一員令史九十有五人譯史二人回回令  
史一人通事知印各二人奏差二十一人國初為燕  
京路總管大興府中總五年稱中都路至元九年改  
號大都二十一年始專置大都路總管府秩從三品  
置都達魯花赤都總管等官二十七年陞為都總管

府之秩正三品領府一州十有一凡本府官吏唯達魯花赤一員及總管推官專治路政其餘皆分任供需之事故又號曰供需府焉其屬附見

大都路兵馬都指揮使司凡二秩正四品掌京城盜賊姦偽鞠補之事都指揮使二員副指揮使五員知事一員提控案牘一員吏十四人至元九年改千戶所為兵馬司隸大都路而刑部尚書一員提調司事凡刑名則隸宗正且為宗正之屬二十九年置都指揮使等官其後因之一置司於北城一置司於南城司獄司凡三秩正八品司獄一員獄丞一員獄典

二人掌囚繫獄具之事一置於大都路一置於北城兵馬司通領南城兵馬司獄事皇慶元年以兩

司異禁遂分置一司於南城一員典史三員

左右警巡二院秩正六品達魯花赤各一員使各

一員副使判官各三員典史各三人司吏各二十

五人至元六年置領民事及供需視大都路大德

五年分置供需院以副使判官典史各一員主之

大都警巡院品職分置如左右院達魯花赤一員

使一員副使二員判官二員典史二員司吏二十

人大德九年置以治都城之南



大都路提舉學校所秩正六品提舉一員教授二員學正二員學錄一員至元二十四年既立國學以故孔子廟為京學而提舉學事者仍以國子祭酒繫銜置於儒術以國子祭酒各一員主之

管領諸路打捕鷹房總管府秩正二品達魯花赤一員總管一員副總管一員同知一員副總管一員經歷知事各一員至元十七年置各一員宛平縣秩正六品達魯花赤一員尹一員丞三員主簿三員尉一員典史三員司馬二十六人至元十一年置治大都麗正門以西

大興縣秩正六品達魯花赤一員尹一員丞一員主簿二員尉一員典史三員司馬一十五人至元十一年置治大都麗正門以東東關廂巡檢司秩從九品巡檢三員司馬一人掌巡捕盜賊奸宄之事至元二十一年置西北南關廂兩巡檢司設置並同上

志卷第四十

西六等關防兩級錄同幾置並同十

派前盜類校校文事至元二十一年置

東關防改錄后林於六品改錄三官同東一人

十一平置於六等關防

主戰二員攝一員與史三員並置十人

大興錄於五六品並置並置員十一員



